

四庫全書

子部

欽定四庫全書

子部

御定淵鑑類函卷二百六十七

詳校官內閣學士臣尹壯圖

主事臣祁韻士覆勘

總校官進士臣繆琪

校對官庶吉士臣吳省蘭

謄錄監生臣許蔭培

欽定四庫全書

御定淵鑑類函卷二百六十七

人部二十六

笑 寢 疾 泣 笑

笑一

原說文曰欣笑喜也 易曰同人先號咷而後笑 又

曰旅人先笑後號咷 又曰笑言啞啞 詩曰終風且

暴顧我則笑謔浪笑傲中心是悼 又曰兄弟不知啞

其笑矣 又曰宴笑語兮 禮斗威儀曰君乘土而王

其民人好大笑 樂動聲儀曰人情喜則笑矣 老子

曰下士聞道大笑之不笑不足以爲道 增莊子曰造

適不及笑獻笑不及排 又曰人上壽百歲中壽八十

下壽六十除病瘦死喪憂患其中開口而笑者一月之

中不過四五日而已矣 鄧析子曰體痛者口不能不

呼心悅者顏不能不笑 淮南子曰夫載哀者聞歌聲

而泣載樂者見哭者而笑哀可樂者笑可哀者載使然

也 論衡曰天怒則隆隆雷聲天喜應啞啞而笑邠不

聞笑也 桓譚新語曰關東俚語人聞長安樂則向西而笑 正論曰搔癬之為悅先笑而後愁 養生要訣曰人語笑欲令至少不欲令聲高若過語笑損肺腸精神不足

笑二

原呂氏春秋曰戎常寇闕幽王擊鼓諸侯皆至褒姒大悅而笑王欲褒姒之笑數擊鼓而諸侯至無寇及真寇至擊鼓而諸侯不來遂為戎所滅 增莊子曰齊桓公

田子澤見鬼焉公反談詒為病數日不出齊士有皇子
告敖者曰臣聞澤有委蛇惡聞雷車之聲則捧其首而
立見之者殆乎霸公輒然笑曰此寡人之所見者也于
是正衣冠與之坐不終日而不知病之去也 又曰河
伯至北海望洋而歎曰吾長見笑于大方之家 列子
曰晉文公出會欲伐衛公子鋤仰天而笑公問何笑曰
臣笑鄰之人有送其妻適私家者道見桑婦悅而與言
然顧視其妻則亦有招之者臣竊笑之公悟其言乃引

師還未至而有伐其北鄙者矣 原左傳曰晉侯使郤

克徵會于齊齊頃公帷婦人使觀之郤子登婦人笑于

房 又曰晉士彌牟送叔孫于箕叔孫使梁其跽待于

門內曰余左顧而效乃殺之右顧而笑乃止 增又曰

賈大夫惡娶妻而美三年不言不笑御以如臯射雉獲

之始笑而言 又曰季子曰無為天下戮笑 原穀梁

傳曰季孫行父禿晉郤克跛衛孫良夫眇曹公子首僂

同聘于齊齊使禿者御禿者跛者御跛者僂者御僂者

蕭同叔子處臺而笑之客不悅 增又曰楚子伐吳執

齊慶封將殺之靈王使人以慶封令于軍中曰有若齊
慶封弑其君者乎慶封曰子一息我亦且一言曰有若
楚公子圍弑其兄之子而代之為君者乎軍人粲然皆
笑 禮記檀弓曰魯人有朝祥而暮歌者子路笑之

原晏子曰齊景公置酒泰山公西望喟然歎泣數行曰
寡人將去堂堂國者而死邪左右泣者三人晏子搏髀
仰天大笑曰樂哉今之飲也公怒曰子笑何也對曰臣

見怯君一諛臣三是以大笑公慙 史記曰孫子試兵
以王寵姬二人為軍隊長三鼓宮女皆掩口而笑 瑣
語云師曠御晉平公鼓瑟輟而笑曰齊侯與其嬖戲墜
于牀而傷其臂平公命人書之曰某月某日齊侯戲而
傷問之于齊侯笑而曰然有之 增說苑曰趙簡子舉
兵伐齊有被甲而笑者簡子曰子何笑對曰臣乃有宿
笑簡子曰有以說之則可無則死對曰當桑之時臣鄰
家父與妻俱之田見桑中女因追之不能還其妻怒而

去之臣笑其曠也簡子曰今我伐國失國是吾曠也還
師而歸 又曰宋劉伯龍歷郡守貧窶慨然營什一之
利一鬼在旁撫掌大笑伯龍曰貧窮固有命乃復為鬼
所笑也遂止 又曰宋愚父得燕石藏之以為大寶周
客見之俛首掩口胡盧而笑曰此燕石也 戰國策曰
楚王遊于雲夢有狂兇觸車徑輪彎弓而射應發而殪
仰天而笑曰樂矣今日之遊萬歲千秋之後誰與同此
樂乎安陵君泣涕數行而進曰臣入則侍編席出則陪

萬垂萬歲千秋之後願得身試黃泉先蓐螻蟻王大悅

史記曰有嬖者盤散

跽

行汲平原君美人居樓上臨

見大笑之明日嬖者至平原君門請曰臣不幸有罷癰之病而君之後宮臨而笑臣臣願得笑臣者頭平原君笑應曰諾嬖者去平原君笑曰觀此豎子乃欲以一笑之故殺吾美人不亦甚乎終不殺歲餘賓客門下舍人稍稍引去者過半平原君怪之門下一人前對曰以君之不殺笑嬖者以君為愛色而賤士士即去耳平原君

乃斬笑躡者美人頭自造門進躡者因謝焉其後門下

乃復稍稍來 原又曰高祖奉玉卮為太上皇壽曰始

大人常以臣無賴不能治產業不如仲力今某之業所

就孰與仲多殿上羣臣皆呼萬歲大笑為樂 增又曰

公孫弘為人談笑多聞 原漢書曰匡衡能解詩諸儒

為之語曰匡說詩解人頤 增東方朔別傳曰朔于上

前射覆中之郭舍人亟屈被榜朔曰南山有木名為柘

良工材之可以射射中人情如掩兔舍人數窮可不早

謝上乃搏髀而大笑也 東觀漢記曰光武微時與鄧
晨觀讖云劉秀當為天子或言國師公劉秀當之光武
曰安知非僕乎建武三年上徵晨還京師數燕見說故
舊平生為忻樂晨從容謂帝曰僕竟辦之帝大笑 又
曰桓榮為博士入會庭中詔賜奇果受者皆懷之榮獨
舉手捧之以拜帝笑指之曰此真儒生也 班固荅賓
戲曰賓戲主人主人迫爾而笑曰若賓之言所謂守空
輿之熒燭未仰天庭而覩白日也 原蜀志曰馬忠為

人寬濟有度量但詎啁大笑忿怒不形于色 蜀記曰

譙周字允南體貌素樸無造次辨論之才諸葛亮領益州牧周為勸學從事初見亮左右皆笑既出有司請推笑者亮曰我尚不能忍況左右乎 增魏志曰賈詡字

文和文帝為五官將而臨淄侯植才名方盛有奪宗之議太祖有問詡嘿然不對太祖曰與卿言而不荅何也對曰思袁本初劉景升父子也太祖大笑于是太子遂定 又曰毛皇后父嘉本典虞車工卒暴富貴明帝令

朝臣會其家飲宴其容止舉動甚蚩駭語輒自謂侯身
時人以為笑 王隱晉書曰杜預伐吳軍入城至都督
孫歆帳下生將歆詣預王濬先列得歆頭而預生送歆
洛中大笑 荀勗別傳曰司徒缺帝問其人勗曰魏文
用賈詡為公孫權笑之 原世說曰張華問陸機曰雲
何以不來機曰雲有笑疾恐公未患故未敢俄而雲詣
華華為人多姿致又好帛纏鬚一作以錦囊盛鬚雲見大笑不
能自己 又曰桓南郡與道曜講老子王侍中為主簿

在坐桓公曰王主簿可顧名思義王未有荅且大笑桓公曰王思道故能作大家兒笑 增又曰王敦初尚主

如廁見漆箱中盛乾棗本以塞鼻王謂廁上亦下果食遂至盡既還婢擎金漆盤盛水琉璃碗盛澡豆王因倒著水中飲之謂是乾飯羣婢莫不笑 王氏彙苑曰王鳳遇官屬尤嫚使奴蒙虎皮怖其參軍陸英俊幾死因大笑為樂 語林曰弔王武子客正哭見孫子荆驢鳴變聲成笑 又曰董昭失勢久為衛尉昭乃厚加意於

侏儒正朝大會侏儒作董昭衛尉啼面叙太祖時事舉

坐大笑明帝悵然不怡月中以為司徒原晉中興書

曰石勒與李陽相近陽性剛愎每爭漚麻池共相撲打

互有勝負勒既貴召陽至引入言及平生酒酣引陽肘

曰卿年老臂中故有力不頗復與人鬪邪孤往數得卿

拳卿亦快得孤毒手因大笑增崔鴻後趙錄曰桃豹

少時以膽勇騎射稱嘗攘臂大言曰大丈夫遭魏太祖

不封萬戶侯位上將者非丈夫也時類笑之豹罵言爾

鼠子輩安知君子豹變之志乎 南史曰宋司徒褚彥

回送湘州刺史王僧虔閣道壞墜水僕射王儉馬驚跌

下車謝超宗拊掌笑曰落水三公隋車僕射 蕭子顯

齊書曰張敬兒武將不習朝儀聞當內遷于密室中屏

人學揖讓荅對室中俯仰如此竟日侍妾竊窺笑焉

後魏史曰宗室甚性剛毅未嘗笑孝文曰聞公一生不

笑今當為朕笑竟不能得帝曰五行之氣偏有所入如

此 北史崔瞻傳曰詔議三恪之禮崔瞻別立一議魏

收讀訖笑而不言瞻曰何容讀國士議文直此冷笑

神異經曰東方有人不妄語恒笑倉卒見之如痴 搜

神記曰孫綝殺徐光而無血後綝上蔣陵有大風盪綝
車顧見光在于松樹上拊手笑之俄而綝誅 唐書曰

李義府狀貌溫恭與人語必嬉怡微笑而偏忌陰賊忤
意者輒加傾陷故時人言義府笑中有刀 唐史記曰

鄭絳同平章事省吏走其家上謁絳笑曰諸君悞矣人
皆不識字宰相亦不及我吏言不妄俄聞制詔下歎曰

萬一然笑殺天下人 又曰宦者魚朝恩會百官釋菜

執易升坐講鼎有覆餗象以侵宰相王縉怒元載怡然
朝恩曰怒者常情笑者不可測元載銜之 五代史曰
莊宗入汴末帝惶恐不知所為鄭珏曰臣有一策願得
傳國璽馳入唐軍以緩其行而待救兵之至末帝曰顧
卿之行能了事否珏俛首徐思曰但恐不易了于是左
右皆大笑 黃又仲交廣記曰合浦尹牙為郡主簿太
守到官三年不笑牙問其故曰父為太尉所殺牙乃辭

至洛為太尉養馬三年斷其頭而還 宋紀曰扈蒙有
笑疾雖在上前不自禁 又曰張戢與臺官王韶論新
法不便又詣中書爭之王安石舉扇掩面而笑戢曰戢
之狂直宜為公笑然天下之笑公者不少矣 又曰鄧
綰除集賢校理檢正中書孔目房鄉人在都者皆笑且
罵綰曰笑罵從他笑罵好官還我為之 元史列傳曰
張翥每以文自負常語人曰吾于文已化矣他日翰林
學士實喇卜示以所為文請易置數字苦思不就實喇

卜曰先生于文豈猶未化邪何思之苦也翫因相視大笑蓋翫平日善謔諧出談吐語輒令人失笑一座盡傾入其室藹然春風中也 明泳化類編曰成化間一御史性頗狂以居言路署名字大寸許一郎中厭之貽之口占云諸葛大名垂宇宙今人名大欲如何諸司傳以為笑 明詩小傳曰袁景休讀經史喜為歌詩劉子威以海內文章自負景休每向人摘紕謬者以為嫻笑子威大怒訴于郡尉攝而答之曰若敢復嫻笑劉侍御文

章邪景休仰而對曰民寧受笞數十不能改口沓舌妄
諛劉侍御也尉笑而遣之 又曰嚴嵩當國時江西士
紳以生辰致賀嵩長身聳立諸公俯躬謁高新鄭旁睨
而笑嵩問其故新鄭曰偶思韓昌黎闕難詩大雞昂然
來小雞竦而待是以失笑耳京師市語謂江西人為雞
相與闕堂而散

笑三

原晏晏 嘻嘻

詩言笑晏晏 易
婦子嘻嘻終吝

至矧

解頤

禮父
母有

疾笑不至矧齒
本也 匡說詩

增不和

莫逆

莊子強親者雖笑不
和 又子桑戶孟子

反子琴張相視而笑
莫逆于心遂相與友

絕倒

哄堂

世說衛玠談道阿
平絕倒倒大笑也

御史分紀監察御史每公堂會食皆絕笑言若有
不可忍者雜端大笑而三院皆笑謂之哄堂則不罰

歡哈

喞喞

文粹笑言入口何歡
彙苑喞喞笑聲

軒渠

揶揄

薊子
訓傳

兒識父母軒渠笑悅注軒渠小兒笑

世說曰羅友在

桓溫府以家貧乞祿溫謂其誕肆許而不用後同府有

得郡者溫為席送別友至獨後問之荅曰昨奉教旨首

旦出門于中路逢一鬼大見揶揄云我只見汝送人作

郡何以不見人送汝作郡民始怖終慙不覺淹緩溫雖

笑其滑稽而心頗愧焉後以為襄陽太守揶揄拍手笑

絕纓

噴飯

史記淳于髡仰天大笑冠纓索絕
東坡遺文與可竹詩與可大笑噴飯滿案

原頭沒杯案 影見水中

曹瞞別傳太祖與人譚論戲弄盡無隱諱及歡悅大

笑至于頭沒杯案中銷膳露汚于巾幘也世說陸雲著衰經上船見水中影因大笑落水救之免死

笑四

原爰笑爰語

載笑載言

並詩

蹶然而咤

溺人必笑

傳

胡盧

孔叢子子思薦李音于衛君君胡盧大笑

嘖笑

史記韓昭侯曰明主愛一嘖一

笑今誇豈特嘖笑哉

增解顏

列列子事老商五年之後心庚念是非口庚言利害老商始一解顏

而笑局局

莊蔣閭勉薦季徹于魯君季徹局局然笑蔣閭勉彪彪然驚

嫣然

登徒子賦

東家之子嫣然一笑惑陽城迷下蔡

含睇宜笑

楚辭曰若有人兮山之阿被薛荔兮帶女蘿既

含睇兮又宜笑子慕子兮善窈窕

衆兆所哈曰行不羣以顛越兮又衆兆之所哈哈笑也

目笑

史記平原君與毛遂偕入楚十九人相與目笑之

盡氣

東觀漢記初桓榮遭倉卒

困厄時常與族人桓元卿俱据拾投間輒誦書元卿謂榮曰卿但盡氣耳當安復施用乎榮笑而不應後榮為

太常元卿來候榮諸子謂曰平生笑君盡

墜廬本傳

氣今何如元卿曰我農民安能預知此

墜廬陳搏

聞太祖登極大笑

笑比河清

潛確類書包拯字孝肅天性嚴肅未嘗以辭色

陸驢曰天下定矣

悅人人謂其

笑比黃河清

笑五

增詩唐李白詩曰衆夫指之笑謂我知不明又曰隴

吏垂手笑官何問之愚 又曰粲然忽自哂授以鍊藥
說 又曰美人一笑千黃金 白居易詩回頭一笑百
媚生六宮粉黛無顏色

原賦晉孫楚笑賦曰有度俗之公子總萬物之細故心
髣髴乎巢由以得意為至樂不拘戀乎凡流會親戚于
高宇結宗盟于綢繆所以交頸偃仰推背指掌亢洪聲
於通谷順長風以流響響氣參譚以相屬若將頽而復往
或頻蹙俛首狀似悲愁怫鬱唯轉呻吟郁伊或攜手悲

嘯噓天長叫遲重則如陸沈輕疾則如水漂徐疾任其
口頰圓合得乎機要或中路背叛更相毀賤傾倚巨我
彫聲迄乎日晏信天下之笑林調謔之巨觀也

寢一

原東首 北堂

禮君子寢恒東首東首生
氣古詩安寢北堂上

有衣 無

伏

語必有寢衣長一身有半
禮記寢無伏伏覆也

增警枕

彈丸

宋元通鑑吳越

王錢鏐自少在軍中夜未嘗寐倦極則就圓木小枕或
枕大鈴寐熟輒欬而寤名曰警枕 又鏐或寢方酣外
有白事者令侍女振紙即寤時彈
銅丸于樓牆之外以警直更者

原目炯炯 腹便

便

白帖目炯炯而不寐
寐弟子私嘲曰邊孝先

後漢邊韶字孝先曾晝日假
腹便便懶讀書但欲眠詳讀

書

夜以安身

早而假寐

傳趙盾盛服將朝尚早坐
而假寐鉏麇曰不忘恭敬

民之
主也

增睡于牀下

入眠帳中

漢書陳咸字子康父
萬年常病召咸教戒

於床下語至夜半咸睡頭觸屏風萬年大怒欲杖之咸

叩頭謝曰具曉所言大要教咸諂也萬年乃不復言

郭子曰許侍中顧司

眠不可近

悟便得姦

世說魏
武云我

空入王丞相帳中眠

眠中不可妄近近便斫人亦不覺左右宜深慎此後佯

睡所幸人竊以被覆之因便斫殺自後安眠人莫敢近

者益部耆舊傳何元為成都令常眠睡其覺寤便得

姦詐咸畏元之發摘或以為有術得知之無敢復欺者

文侯聽樂

孝宗讀疏

漢書禮樂志魏文侯最為好
音謂子夏曰聽古樂則欲寐

及聞鄭衛之音予不知倦焉通鑑宋孝宗時朱熹投匭進封事言大本急務疏入夜下七刻帝已寢亟起秉燭讀之
終篇

寢二

原明發不寐

詩

尚寐無覺

詩憂而欲寐也

乃安斯寢

詩

夙興夜寐

詩

乃寢乃興

詩

增熟寢經宿

後梁紀岐王李茂貞

治軍甚寬待士卒簡易有告部將符昭反者岐王直詣其家悉去左右熟寢經宿而還由是衆心悅服

夜寢屢遷

通鑑宋王彥獨保共城西山遣腹心結兩河豪傑圖再舉金人購求彥急彥慮變夜寢屢遷

還

疾一

增釋名曰疾病也客氣中人急疾也病並也與正氣並在膚體中也 周易曰損其疾使遄有喜 毛詩曰疢如疾首 周禮曰疾醫掌養萬民之疾病四時皆有癘疾春時有瘡首疾夏時有痒疥疾秋時有瘧寒疾冬時嗽上氣疾 又曰寒暑不時則疾 曲禮曰君使士射不能則辭以疾曰某有負薪之憂 春秋公羊傳曰御繫不立惡疾也 國語曰譬之如疾余懼易焉 老子

曰知不知上不知知病夫唯病病是以不病 管子曰
凡國都皆有養疾聾盲喑啞跛躄偏枯不耐自生者上
收而養之 尹子曰與死者同病難為良醫與亡國同
道不可為謀 又曰人將疾也必先不甘魚肉之味

魏子曰待扁鵲乃治病終身不愈也用道術則無所不
治也 淮南子曰土地各以數生人是故水氣多瘠風

氣多聾林氣多瘡木氣多偃

生人多有此疾

韓詩外傳曰人

主之病十有二發非有賢醫莫能治也 呂氏春秋曰

身盡府種

府腹病種首疾

筋骨沈滯血脈壅塞九窮寥寥曲失

其宜雖有彭祖猶不能為也

唐書曰太宗謂侍臣曰

治國與養病無異也病人覺愈彌須將護若有觸犯必至殞命治國亦然天下稍安尤須兢慎若便縱逸必至喪敗風俗通曰無恙俗說疾也凡人相見及書問者曰無疾邪按上古之時草居路宿恙噬蟲也食人心凡相勞問者曰無恙乎非為疾也

疾二

增莊子曰堯以天下讓於子州支父子州支父曰我適有幽憂之病方且治之未暇治天下也太公金匱曰

丁侯不朝武王乃畫丁侯三旬射之丁侯疾大劇四夷聞之皆懼各以其職來貢六韜曰欲伐大國行且有

期王寢疾十日不行太公負之而起曰行已有期君不發天下聞之國亡身死胡不勉之王允言如有病者

左傳曰晉侯夢大厲公覺召桑田巫曰不食新矣列

子曰龍叔謂文摯曰子之術微矣吾有疾病子能已乎

文摯曰唯命所聽然先言子所病之證龍叔曰吾鄉譽
不以為榮國毀不以為辱得而弗喜失而弗憂視生如
死視富如貧此奚疾哉奚方能已之乎文摯乃命龍叔
背明而立文摯從後向明而望之既而曰嘻吾見子之
心矣方寸之地虛矣幾聖人也子心六孔流通一孔不
達今以聖智為病者或由此乎非吾淺術所能已也
又曰秦人逢氏胡有子少而慧及壯而有迷罔之疾聞
歌以為哭視白以為黑水火寒暑無不倒錯者焉 又

曰季梁得病七日夫漸其子環而泣之請醫季梁謂楊
朱曰吾子不肖如此之甚汝奚不為我歌以曉之其子
不曉終謁三醫而季梁之疾自瘳 吳氏春秋曰齊王
疾瘠使人之宗迎文摯視疾摯謂太子曰王疾可已雖
然必殺摯非怒王則不可治怒而摯必死太子請之文
摯往而不至三齊王已怒文摯至不解履登牀王重怒
叱而起病乃已生烹文摯 莊子曰子來有病喘喘然
將死其妻子環而泣之 又曰南榮趺曰里人有病里

人問之病者能言其病病者猶未病也若越之聞大道
譬猶飲藥以加病也 潛確類書曰子胥曰子聞河上
之歌乎同病相憐同憂相救 趙睦吳越春秋曰越王
出石室召范蠡謂之曰吳王疾三月不愈孤聞人臣之
道主疾臣憂且吳王遇孤恩澤甚厚恐疾之無瘳也唯
先生卜焉范蠡曰今日日辰陰陽上下和親王不死明
矣到已已當有瘳也 墨子曰墨子病洗鼻問曰先生
以鬼神為明福善禍惡今先生聖人也何故病墨子曰

病者多方有得之勞苦有得之寒暑今有百門而閉其一賊何處不入哉 春秋後語曰越醫扁鵲過齊桓侯

客待之入朝見曰君有疾在腠理不治將深

腠理皮膚也

桓

侯曰寡人無疾扁鵲出桓侯謂左右曰醫之好利欲以不病為功後五日復見曰君疾在血脉後五日復見曰病在腸胃後五日見桓侯而還走桓侯使人問其故曰疾在骨髓臣是以無詣也桓侯遂卒 戰國策曰扁鵲

見秦武王示之病扁鵲請除之左右曰君之病在耳之

前目之下也除之使耳不聰目不明君以告扁鵲鵲怒而投其石曰君與知者謀之而與不知者敗之使秦政如此則一舉而亡國矣韓子曰秦昭王有疾百姓買牛而家為王禱原史記曰陳軫適至秦惠王曰子去寡人之楚亦思寡人否軫對曰王聞越人莊舄乎王曰弗聞軫曰莊舄仕楚執珪有頃而疾為越聲楚王曰舄故越之鄙細人也今仕楚執珪貴極矣亦思越不或對曰凡人思故在其疾也彼思越即越聲不思越即楚聲

使人往聽之猶尚越聲也今臣雖棄逐之楚豈能無秦聲哉 增又曰晉侯多疾即導引不食穀 西京雜記曰高祖初入咸陽宮周行庫有方鏡廣四尺高五尺九寸表裏光明人有疾病在內揜心照之則知病之所在 漢武故事曰初霍去病微時數自禱神君乃見其形自修飾欲與去病交接去病不肯神君亦慙及去病疾篤上命為禱神君神君曰霍將軍精氣少壽命不長吾嘗欲以太一精補之可得延年霍將軍不曉此意遂見

斷絕今疾必死可無救也去病竟薨 原漢書曰司馬

相如疾甚上曰可往悉取其書使往而相如已死家無遺書問其妻對曰長卿未嘗有書也時時著書人又取去長卿未死時為一卷書曰有使來求書奏之其遺札言封禪事所司奏焉天子異之 增嚴助傳曰有狗馬之病不能勝服 葛洪神仙傳曰茅君居于茅山人有疾病往請福常煮雞子十枚以內帳中須臾茅君皆一擲雞子還之歸破之皆無復黃者病人當愈若中有

土者不愈以為常候雞子如故無開處也 說苑曰丙

吉有陰德于孝宣帝微時及即位將封之會吉病甚夏侯勝曰此未死也臣聞有陰德者必享其樂以及子孫病果愈 又曰王章為諸生學長安獨與妻居章病無被卧牛衣中與妻訣涕泣其妻呵怒之曰仲卿京師尊貴在朝廷人誰踰仲卿者今病困不自激卬乃反涕泣何鄙也 又曰朱雲年七十餘終于家病不呼醫飲藥遺言以身服斂棺周于身土周于槨 皇甫謐高士傳

曰安丘望之病弟子公沙都來看之舉立于庭樹下安
丘曉然有痊開目見雙赤李著枯枝都仰首承李安丘
食之所苦盡除 原風俗通曰予之祖彬為汲令以夏
至日請主簿杜宣賜酒時北壁上懸有赤弩照于杯中
其形如蛇宣惡之然不敢不飲其日便得疾云蛇入腹
後彬使宣于故處設酒杯中復有蛇因謂宣此乃壁上
弩影耳非有他怪宣意遂解甚怡懌 增又曰皇甫謐
因病服寒食散而性與之忤每委頓不倫嘗悲忿叩双

欲自殺叔母諫而止 原桓譚新論曰余歸沛道疾蒙

絮被絳罽檐乘驛馬宿東亭亭長疑是賊發卒夜來余

令吏勿闕乃相問而去 三輔決錄曰趙岐初名嘉年

三十餘有重疾卧蓐七年自慮奄忽乃為遺令敕兄子

可立一圓石于吾墓前刻之曰漢有逸民姓趙名嘉有

志無時命也奈何其後疾瘳 增何顥別傳曰張仲景

過山陽王仲宣謂曰君體有病後年三十當眉落仲宣

時年十七以其言遠不治後至三十疾果落眉 魏志

曰太傅鍾繇有膝疾時華歆亦以高年疾病朝見皆使虎賁舉上殿就坐後三公疾常以為故事 語林曰王

仲祖病劉真長為稱藥荀令則為量水 晉書曰王戎

先有吐疾居喪增甚帝遣醫療之并賜藥物又斷賓客

世說曰衛玠總角時嘗問樂廣夢樂云是想衛曰神形所不接而夢豈是想曰因也衛思因經日不得遂病樂聞故命駕為剖析之衛病小差樂歎曰此兒胸中當必無膏肓病 又曰衛玠從豫章下都人久聞其姿容

觀者如堵牆玠先有羸疾不堪勞遂發病死 晉孔坦

傳曰坦疾篤庾冰省之乃流涕坦慨然曰老夫將終不

問安國寧家之術乃作兒女子相問邪冰深謝焉 陶

徵士諫曰年在中身疾維疔疾

疔瘡疾也

宋書曰羊欣有

病不服藥飲符水而已兼善醫術撰藥方數十卷 又

曰謝述有心虛疾性理時或乖謬除吳郡太守以疾不

之官 裴子野宋畧曰殷景仁入居西州疾篤上為之

累息敕西州道上不得有車聲 南史曰范雲忽中疾

居二日半召醫徐文伯視之文伯曰緩之一月乃復欲速即時愈正恐二年不復可救雲曰朝聞道夕死可矣而况二年文伯乃下火而牀焉重衣以覆之有頃汗流于背即起二年果卒又曰褚澄善醫術建元中為吳都太守百姓李道念以公事到郡澄見謂曰汝有重病答曰舊有冷疾至今五年衆醫不差澄為診脉謂曰汝病非冷非熱當是食雞子過多所致令取蒜一升煮服之始一服乃吐一物如升涎裏之動開看是雞雛羽翅

爪距具足能行走澄曰此未盡更服所餘藥又吐得如
向者雞十三頭而病都差當時稱妙 北史曰魏李諧
為人短小六指因癭而舉頤因跛而緩步因寒而徐言
人言李諧善用三短 又曰周裴俠嘗遇疾沈頓士友
憂之忽聞五鼓便即驚起問左右曰可向府邪所苦因
此而瘳晉公護聞之曰裴俠危篤若此而不廢憂公因
聞鼓聲疾病遂愈豈非天祐其勤恪也 又曰齊蘭陵
王長恭有戰功帝忌之人謂長恭勿預事長恭然其言

未能退及江淮寇擾恐復為將歎曰我去年面腫今何不發自是有疾不療 唐書曰有患應病者問醫官蘇

澄云自古無此方今無所撰本草網羅天下藥物亦謂盡矣試將讀之應有所覺其人每發一聲腹中輒應唯至一藥再三無聲過至他藥復應如前澄因為處方以此藥為主其病自除 又曰張文仲武后時至尚藥奉御特進蘇良嗣方朝疾作仆廷中文仲診曰憂憤而成若脇痛者殆未可救頃告脇痛又曰及心則殆俄心痛

而死 又曰武后集諸言方者與文仲共著書詔王方

慶監之文仲曰風狀百二十四氣狀八十治不以時則
死及之惟頭風與上氣足氣藥可常御病風之人春秋
末月可使洞利乃不困劇自餘須發則治以時消息乃
著四時輕重術凡二十八種上之 又曰郭弘霸為侍
御史時大夫魏元忠病羣僚省候弘霸獨後入請視便
液即染指嘗驗疾輕重賀曰甘者病不瘳今味苦當愈
元忠惡其媚暴語于朝 又曰杜審言疾甚宋之問等

省候荅曰甚為造化小兒所苦然吾在久歷公等今死
固當大慰但恨不見替人 酉陽雜俎曰柳芳為郎中

子登疾重時張萬福名善醫引視遙見登頂曰有此頂
骨何憂疾也因按脉五息復曰不錯壽且踰八十乃留
方數十字謂登曰不服此亦得登後為庶子年至九十
而卒 又曰張萬福自始至終祿食七十年未嘗一日
言病 又曰吳湊為福建觀察使與宰相竇參有憾參
數加短毀又言湊風痺不良趨走帝召還驗其疾非是

由是不直參 六帖曰韓弘病自河中還詔百官問疾
弘遣子辭不能見公綽謂曰上使百官司省候是謂異
禮宜力疾以見公卿安可卧令子姪傳言邪弘懼挾扶
以出 又曰元和四年李巽疾革郎官省候巽言不及
病但與商校程課功利 五代史曰唐王建立為右僕
射同中書門下平章事判三司事居歲餘自言不識文
字願解三司久之稱疾明宗笑曰人固有詐疾而得疾
者乃出為平盧節度 通鑑宋紀曰曹彬至金陵敗江

南軍于城下一日忽稱疾不視事諸將皆來問疾彬曰
余之疾非藥石所能愈惟願諸君誠心自誓以克城之
日不妄殺一人則自愈矣諸將許諾共焚香為誓明日
彬即稱愈又曰王旦疾甚引對滋福殿帝曰朕方以
大事託卿而卿疾如此因命皇子出拜旦惶恐走避皇
子隨而拜之旦言皇子盛德必任陛下事因薦可為大
臣者十餘人又曰呂夷簡感風眩詔拜司空平章軍
國重事疾稍愈命數日一至中書裁決可否夷簡力辭

帝降手詔曰古謂髭可療疾今剪以賜卿 又曰周敦頤為虞部郎中俄得疾聞水嚙其母墓遂乞知南康改葬畢曰強疾而來者為葬耳今猶欲以病污麾紱邪遂謝事 又曰陳留知縣姜潛到官才數月青苗令下潛即榜于縣門又移之鄉村各三日無人至遂撒榜付吏曰民不願矣即移疾去 又司馬光卒子康居喪因寢地得腹疾召醫李積于兗鄉民聞之告積曰百姓受司馬公恩深今其子病願速往也 又曰陳瓘卒于楚州

劉安世嘗因瑾病使人勉以醫藥自輔曰天下將有賴於公當力加保養以待時用瑾曰天下代不乏人但時不用耳君亦何必拳拳于吾也 又曰宋虞允文謁劉

錡問疾錡執允文手曰疾何必問朝廷養兵三十年一技不施而大功乃出一儒生我輩愧死矣以疾篤召還提舉萬壽觀 通鑑元史天澤至真定病篤附奏曰臣死不足惜但願天兵渡江慎勿殺掠語不及他 又曰元廉希憲稱疾篤皇太子遣侍臣問疾因問治道希憲

曰臣病雖劇委之于天所甚憂者大奸端政羣小阿附
誤國害民病之大者殿下宜開聖意急為屏除不然日
就沈疴不可藥矣 元列傳曰努都爾噶嘗卧病謂其所
知曰太平真宰相才也我疾固不起而太平亦不能久
于位此可歎也朝官至門候疾者皆謝遣之 又曰余
闕守安慶號令嚴信與下同甘苦嘗病不視事將士皆
籲天求以身代闕聞強衣冠而出 又曰汪德臣微疾
帝勞之曰汝疾皆為我家飲以蒲萄酒解玉帶賜之曰

飲我酒服我帶疾其有瘳乎德臣泣謝 又曰敬儼為
中書平章政事以傷足告歸家居十餘年痺不能行猶
劬書不廢 又曰賀勝以足疾請老不許曰卿卧護足
矣賜小車出入禁闥 又曰邪律希亮雖疾病不廢書
史或中夜起坐取燭以書所著詩文 又曰歐陽元乞
致仕不允久病不能步履丞相傳旨肩輿延春閣下實
異數也 又曰王薦福寧人父嘗疾甚薦夜禱于天願
減已年益父壽父絕而復甦告其友曰適有神人語我

曰汝子孝上帝命錫汝十二齡疾遂愈

疾三 疾疫附

原六極

二豎

尚書六極二曰疾 左傳晉侯病夢二豎子

徹縣

易簣

禮記疾病外內皆掃君大夫徹縣士去琴瑟寢東首于牖之下 檀弓曾子舉扶而易簣反席未安而沒

嚙被

去琴

文粹樂頤之病忌母聞不敢呻吟嚙被至破 詳前

氣淫

神

崇

左傳天有六氣淫則生六疾陰淫寒疾陽淫熱疾風淫末疾雨淫腹疾晦淫惑疾明淫心疾末四支也

又曰晉侯有疾叔向問子產曰寡君疾病卜人曰實沈臺鮒為祟敢問何神也子產曰實沈參神也臺鮒汾神也二者不及君身若君身則亦出入飲食哀樂之事山川星辰之神又何為焉

消渴

癰眩

史記司馬相如常患消渴
揚雄曰臣有瘕眩之疾

積憂

喪志

積憂成病
左傳非鬼非

食惑以

革矣

霍然

禮記成子高寢疾慶遺入請曰
子之疾革矣革音殛七發霍

然病

割癭

縻疔

魏畧賈逵爭公事發憤生癭欲割
之太祖惜之曰十人割九人死逵

猶割竟愈

文粹趙羅戰無勇縻之
吏請之御對曰疔作而伏注縻束也

有加

不瘳

傳

疾有加無瘳

書若

痼瘰

疔瘍

又痼瘰乃身注疔
痛也瘰病也周

藥不瞑眩厥疾不瘳

禮疔瘍
皆瘡也

沈疔

美疾

沈疔多脊
曰季孫之愛我美疾也

左傳臧孫

遘癘

病忘

書遺癘虐疾
陽里華子中常病忘

列子宗

偽疾

佯狂

吳公子
光偽足

疾入于窟室又魏祖少遊蕩叔父數言于其父嵩祖患
之偽敗面口偏叔父見云中惡風告嵩嵩呼曰叔父言

汝中風已瘥乎對曰初不中風但失愛于叔父故見固爾自後叔父所告嵩不復信彙苑韋元成讓爵于凡

伴為增綿懌康寧夢得代裴相讓官表一旦被病遂至綿懌書五福三曰康寧

無疾伏枕病牀彙苑職當憂戚伏衾枕況乃遲暮加煩促杜身欲奮飛病在于林

剪鬚

灼艾

唐書李勣有病醫者曰以鬚燎反可治太宗自為剪鬚和藥宋史晉王有病

太祖親往視之自為灼艾晉王覺痛帝亦取艾自灼以分其痛

顛眊

憔悴

揚雄曰臣常有

顛眊疾恐一旦先犬馬填溝壑摯虞賦

原露其體

譬厥身

左傳子產云節宣其

氣勿使有所壅閉湫底以露其體注露羸也譬厥身注病也

中膏肓

除心腹左傳

晉侯病膏之上肓之下藥不至焉昭王曰除心腹之疾而寘之股肱何益

牀下蟻聲

杯中蛇影

晉書殷仲堪父患耳聰聞牀下蟻動如牛闕聲

樂廣為河南尹有親客久不來廣

問之對曰前在座飲酒見杯中有蛇影意惡之而有疾于時廳上有角弓畫作蛇廣意是弓影乃告所以仍令

坐舊處與飲杯中乃是弓影遂豁然而愈

日臻彌留

大漸惟幾

顧命曰病日臻

既彌留彌久也疾大漸惟幾注幾危也

盤散行汲

展轉伏枕

上見笑二

精神越渫

筋骨挺解

七發曰精神越渫百病咸生聰明眩曜悅怒不平久執不廢大

命乃傾又曰四支委隨筋骨挺解血脉淫濯手足惰窳雖令扁鵲治內巫咸治外尚何及哉

如臨

不測之淵

似執將枯之木

汲黯之卧淮南

劉禎

之居漳濱

並文

原疾疫大札移人

盛癘不去

周禮大札

則令邦國移人注大札疾疫也移人避灾也太平御覽庾袞字叔褒咸寧中大疫二兄俱亡次兄毗復病癘氣方盛父母諸弟皆出次于外袞獨不去父母強之不可親自扶持晝夜不眠其間又撫柩哀號不輟十餘旬疫勢消歇家人乃返增山人苦疫親故罹灾盛弘毘疾差袞亦無疾州記治安郡有鳥焉其形似鵲白尾常以三月自蒼梧而度羣飛不可勝數山人見其來多苦疫氣魏文帝與吳質書昔年疾疫親故多罹其灾徐陳應劉一時俱逝

疾四 疾疫附

原勿藥喜

易无妄之疾勿藥有喜

兄弟相瘡

詩不令兄弟交相為瘡

微

腫

又既微且腫注肝瘍為微腫足為腫

罔詔

書言人疾不詔救

三疾

戶令諸一目盲

兩耳聾手無二指足無大拇指禿瘡無髮久漏下重大
癰腫之類皆為殘疾痼瘕侏儒腰折一肢廢如此之類
皆為廢疾癘狂兩肢廢兩
目盲如此之類皆為篤疾
三問 禮卿疾君問之無筭
大夫三問之士一問

之

內熱

左傳女陽物而晦時淫
則生內熱感蟲之疾

寬疾

周禮以保息
六養萬民五

曰寬疾有疾
者寬養之

書居于內

禮記書居于內
問其疾可也

非人不養

又曰廢疾非人不養者
一人不從政注徭役也

不問所欲

又曰問疾不能
遺不問其所欲

四時皆有

周禮四時
皆有癘疾

重腿

傳荀瑕氏土薄水淺其惡
易遺于是有沈溺重腿之

疾

未及死

左傳張侯謂卻克曰
病未及死吾子忍之

河魚疾

又曰河魚
腹疾奈何

血氣未動

又曰令尹筮子憑以疾辭官重繭衣裘鮮
食而寢王使醫視之曰瘡則甚矣而血氣

未動

夢黃熊

又曰今夢黃熊入于寢門厲鬼乎子產曰昔堯殛鯀于羽山其神化為黃熊入于羽

淵三代祀之晉為盟主其未祀乎韓宣

觀釣天

彙苑趙簡

子乃祀夏郊晉侯有間熊音奴來反

子病五日不知人扁鵲曰血脉鈞治也昔秦穆公如此

七日而寤寤曰我之帝所觀樂主君病三日必間及寤

曰我之帝所觀鈞天

廟不得入

穀梁曰有疾者不得入于宗廟

廣樂賜鵲田四萬畝

舐痔

莊子謂宋人曰秦王有病召醫破癰潰疽者得車一乘舐痔者得車五乘子豈能療其痔邪

荀偃瘕疽

生瘍于頭目出著瘕病也

智囊宿瘤

文粹智囊宿瘤並瘕也

頭

不受櫛

唐崔珣與友人云某苦病日食糜不半升頭硤硤不受櫛者數月矣

玉體不安

七發楚太子有疾吳客往

滯疾

又雖有淹病滯疾猶伸偃起蹙發瞽披聾

問之曰聞太子玉體不安

況直眇小煩憊醒
釀病酒之徒哉

霜露疾

史公孫弘上疏乞骸骨上
日君不幸罹霜露之疾何

患不

讀檄愈頭風

魏太祖讀陳琳
檄曰愈我頭風

呼桓愈瘡疾

史桓

豁子石虔為人勇壯時有患瘡
者呼桓石虔以怖之疾者多愈

增讀詩愈瘡

詩話有
病瘡者

子美語詩可以療之病者云何曰夜闌更秉燭相對如
夢寐其人誦之瘡猶是也杜曰更誦吾詩云子章弱體
血糝糊手提擲還崔大
夫其人誦之果愈也

髮蓬面黔

劉禹錫髮蓬如而
忘乎亂面黔如而

忘乎

思愈

夢得詩疾者思
愈必呻而求醫

羸頓

柳宗元與退之書
昔與退之期為史

志甚壯今因廢錮連遭瘴癘
羸頓朝夕就死無能為也

越人殺牲

柳宗元集越
人信祥而易

殺傲化而倆人越人病且憂則聚巫師用雞十始則殺
小牲不可則殺中牲又不可則殺大牲而又不可則訣

親戚飾死事曰神不置我亦已矣因大食蔽而死

嬰疹疾

韓文況自嬰疹疾寧保軀不貲

病居心腹

武平一書病之在四體者跡分而易逐居心腹者候遽而難治

過生患

柳公

綽太醫箴飲食

生疾

李珣為國者如治身及身康寧調適以自助如恃安而忽則生

疾

設條教

高士廉傳蜀人畏鬼而惡疾雖父母病皆委去士廉為設條教

疾疹

張

上疏神慮澹則血氣和嗜慾勝則疾疹作

觀圖愈疾

言行錄宋太虛云子得疾高符仲攜輜川

圖示子曰閱此可以愈疾果然

原疾疫天有灾癘

人有天疫

月令

人多瘧寒

國多風欬

並六帖

疾疫方起

人殃于疫

並白帖

疾五

原詩梁簡文帝卧疾詩曰沈痾類弩影積弊似河魚詎
逢龍子浴空歎楚王菹 又喜疾瘳詩曰朝窓猶掩扇
宿幔未懸鈎逍遙臨四注兼持散九愁雖同衛子憊聊
喜摯生瘳灾星夜出境鳴禽晚去樓蠲邪無賈服祆氣
息梁牛隔簾蔭翠篠映水含朱榴丹經蘊玉笥元水出
長州結友尋方岳採藥訪圓丘神隨七星變貌逐五雲
留飛鴻若可駕輕簪必易抽 又劉孝威和簡文帝卧

疾詩曰玉躬耗寒暑羣望崇圭璧仁祀盛黃縑禮壇優
紺席憊均楚疾愈俄同宋年益豈勞誦賦臣寧用觀濤
客 又朱超道歲晚沈疴詩曰風將夜共靜空與月俱
明燭滴龍猶伏爐開鳳欲驚葉飛林失影冰合澗無聲
太息興牀念寧敢離衣行唯畏殘藤盡不聞桴鼓鳴
增唐韓愈譴瘡鬼行曰乘秋作寒熱翁嫗所罵譏求食
嘔洩間不知臭穢非醫師加百毒薰灌無停機灸師施
艾炷酷若獵火圍詛師毒口牙舌作霹靂飛符師弄刀

筆丹墨交橫揮 陸龜蒙酬皮襲美病中見寄詩曰逢

花逢月便相招忽卧雲航隔野橋春恨與誰同酩酊玄

言何處問逍遙題詩石上空迴筆拾蕙汀邊獨倚橈早

晚却還巖下電

襲美時有眼疾

共尋芳徑結煙條 李煜病中

感懷詩曰憔悴年來甚蕭條益自傷風威侵病骨雨氣

咽愁腸夜鼎惟煎藥朝髭半染霜前緣竟何似誰與問

空王 李建勲病中書懷詩曰落葉滿山州閒眠病未

瘳窻陰連竹枕藥氣染茶甌路匪人遮去官須自覓休

馬宜更羸老扶杖作公侯 李中病中作詩曰閒齋病
未起心緒復悠悠開篋羣書蠹聽蟬滿樹秋詩魔還漸
動藥債未能酬為憶前山色扶持上小樓 又秋夕病
中詩曰卧病當秋夕悠悠枕上情不堪拋月色無計避
蟲聲煎藥惟憂澀停燈又怕明曉臨清鑑裏應有白髭
生 崔道融病起詩曰病起春已晚曳筇傷綠苔強攀
庭樹枝喚作花未開 又曰病起繞庭除春泥粘屐齒
如從萬里來骨肉滿面喜 宋錢惟演屬疾詩曰積日

勞無補彌天疾未瘳馬卿非避事盛憲自多憂目眩花
生果心驚蟻鬪牛豷冰那浣熱洛笛更生愁拂枕窓風
度穿簾隙日流唾壺從已缺博齒亦慵投發篋尋桐錄
支頤動越謳平生江海志夕夢繞滄洲 劉筠問人疾
詩曰撫枕悽然掩北軒漢庭誰問馬文園風簷鴟嘯厨
煙絕月樹烏驚藥杵喧戲習五禽成妙術學虧一簣阻
微言不因九奏清塵起天路應迷簡子魂 又病詩曰
暫困秦王痔無疑廣客虵職居唐內相宅辟魯東家行

藥虹梁度披襟蕙徑斜香凝虛白室露泣紫薇花冰飲
何嘗熱瓊餐益自加熊經仙有術龜息壽無涯珍簞裁
湘竹輕巾覆越紗逍遙成雅咏屬和有容巴 范祖禹
多疾詩曰多病心牢落經秋鬢颯然風乾桐葉地雨冷
菊花天舊隱荒江漢新居俯澗瀍西都長夢想何日賦
歸田 張耒卧病呈子由詩曰風葉鳴窓已復朝喚回
歸夢故山遥酒壺暗淡浮塵集藥鼎青熒敗葉燒閉戶
獨依寒蟋蟀移牀更就雨芭蕉病深欲請安心術長日

如年未易消 唐庚瘡疾示友人詩曰體中初微溫來
勢如湯鑊忽然毛髮起冷撼如振鐸良久交戰罷頂背
如釋縛尚覺頭泔泔眉額如鑊鑿空日一寒暑有準如
契約伏枕兩晦朔枵然如空橐平生十圍腰病起如飢
鶴衰髮本無幾脫去如秋籜到今僅能步出沒如尺蠖
舊聞五嶺法有此萬戶瘡而我自僑居了不蒙濶畧况
子又持養何至亦例著此身自空虛客疾安所托請作
如是觀無病亦無藥 陳與義眼疾詩曰天公嗔我眼

常白故置昏昏阿堵中不怪參軍騎瞎馬但妨中散送

飛鴻著籬令惡誰能對損讀方奇定有功九老從來為

佛種會知邪律證圓通 范成大病中夜坐詩曰村巷

秋春遠禪房夕磬深飢蚊嘗遶鬢暗鼠忽鳴琴薄薄寒

相中稜稜瘦不禁時成洛下咏却似越人吟 陸游病

中詩曰風雨暗江天幽窓起復眠忍窮安晚境留病壓

灾年客助修琴料僧分買藥錢餘生均逆旅未死且陶

然 又病中戲咏詩曰八十行加二清秋住故山新涼

足眠睡舊疾害躋攀雪白紛殘鬢
梔黃染病顏疲牛卧斜日羸馬
唯枯管貧廢兒孫學慈生僕妾
頑贖衣時已迫貸米歲方艱齋鉢
僧朝薄盤餐客笑慳從今謝還往
惟有掩柴關趙師秀病起詩曰身
如瘦鶴已伶俜一卧兼旬更有零
朝客偶知親送藥野僧相保密持
經力微尚覺衣裳重才退難徵筆墨
靈惟有愛花心未已遍分黃菊插
空瓶翁卷暮春病歸詩曰朝朝風景
添吾病亦開簾洗藥花前曬傳方
壁上黏力微還省語身老

更看髯昨日林僧至茶杯始一拈 徐經孫病中有感

詩曰習懶多成病旬餘久覆杯帳中聞燕語瓶裏看花
開醫已肱三折愁來腸九迴何時得疎散屐齒印蒼苔

文天祥病中詩曰驟雨知何處一溪秋水生苦吟肩

鶴瘦多病耳蟬鳴隱几惟便睡挑書正倦行山深明月

夜丐我半窓青 熊鉅病中詩曰鏡裏初疑看不真衰

顏只恐是他人醫言斷酒方除病毋戒觀書亦損神卧

久不知黃葉落起來添出白髭新自梳頭髮斜陽下手

脫隨風半禿塵 元薩都拉病中夜坐詩曰江樹花開
午夜春綠香吹散隔簾雲吟詩思苦家人怪搗藥聲高
鄰舍聞惟有工程餐白朮亦無心事對紅裙消愁且喜
西樓畔明月一池蛙亂喧 黃潛聞子賤卧疾詩曰吾
子乃多病何人共解顏水聲和藥臼春色閉松關 郭
奎開歲卧病詩曰多病文園渴未消自從人日遇花朝
不知楊柳將春色綠到淮南第幾橋 丁鶴年病衰詩
曰病骨秋增痛衰容日減華臉霞憐竹葉鬚雪妬菱花

往事嗟何及歸程望轉賒少年歌舞地此日屬誰家

明藍仁病起詩曰帶緩肌如削巾欹髮半垂故人憐病
起稚子笑行遲邵酒憂成醉收書老更癡滿岡梧竹盡
尚想鳳棲時許繼病中詩曰風雪年將盡山林客未
還消磨塵世事留得病身閒王紱病中雨夜詩曰不
眠孤燭在風雨送淒涼病骨秋加瘦羈愁夜併長自應
強飲食誰復問衣裳蟋蟀如相念時來啼近牀李東
陽病中言懷詩曰三年病後強趨朝又擁重門卧寂寥

夢繞千山心不定枕欹雙臂力全消籠燈月暗疑無影
園雪風稀未滿條睡起忽然忘握髻不勝雲鬢晚飄蕭
沈周病中夜懷詩曰病與憂相併如何老不成少年
猶昨日往事訝前生月共軒窗淨秋將枕席清瘦何消
覽鏡洗面手還驚 又秋夜卧病詩曰雨滿疎燈風滿

堂呻吟聊復對蛩螭老人衣服秋偏早多病衾裯夜轉
長客有遺蓍因習卦家無儲藥且看方辟除苦望登高
節可奈茱萸未拆房 祝允明卧病詩曰鞅掌思將適

野情偶緣風火便相嬰懸知智鄙同為瘡且喜閑忙總
不行服餌轉令諳物性靜思因得檢長生醫經士典都
餘策一卷南華萬物平 何景明病後詩曰病後頻經

節序過不將風景怨蹉跎秋來門巷依楓橘歲晚衣裳
戀芰荷洛下閑吟辭宦早茂陵消渴著書多鳳凰池上
三年客腰裏空鳴白玉珂

原賦晉摯虞疾愈賦曰余體氣不和飲食漸損旬有餘
日衆疾並除饋食纖纖而日尠體貌廉廉而轉損校朝

夕其未殊驗朔望而減本形容消而憔悴體質憊而狼
狽內憂深而慮遠乃量餐而度帶講和緩之餘論尋越
人之遺方考異同以求中稽衆術而簡良會異端于妙
門乃歸奇于涉塵惟茲藥之攸造寶明中之皆堅九以
三七為劑服以四獻為程勢終朝而始發景未仄而身
輕食信宿而異量體涉旬而告平 梁裴子野卧疾賦
曰旅聞禁以永久迫衰老而殷憂無筋力以為禮聊卧
疾以來休是時凍雨灑塵涼陰滿室風索索而傍起雲

霏霏而四密爾乃高歌莫和旨酒時傾洗然尚想何慮
何營

原表梁簡文帝在州羸疾自解表曰昔違紫複曾不弱
冠今夢青蒲逝將已立願歸之謁不逮宸矜民請之書
遽降天允屬上黨之雄山西宣將五校失道八尉驕貪
一箭而解重圍更成戎阻九戰而絕甬道翻就喪師雖
王郭不追朱買難嗣實以褰襜明目日夜厲精地雜黠
羗民多獷俗人非公孝欲使任類汝南勲異伯宗必須

榮踰戊巳州牧良才實屬多士無令菲薄徒積妨賢
增宋呂誨有疾乞致仕表曰臣本無宿疾偶值醫者用
術乖方妄投藥劑寢成風痺遂難行步非祇憚跼蹐之
苦又將虞心腹之變

增疏晉皇甫謐因病上疏曰久嬰篤疾軀半不仁右腳
偏小十有九載又服寒食藥違諸節度辛苦荼毒於今
七年隆冬裸袒食冰當暑煩悶加以咳逆或若溫瘧或
類傷寒浮氣流腫四支酸重於今困劣

增書魏劉禎與冑植書曰使君始垂哀憐意眷日崇譬之疾病乃使炎農分藥岐伯下鍼疾雖未除就沒無恨何者以其天醫至神而榮魄自盡也 原梁簡文帝荅

湘東王書曰暮春美景風雲韶麗蘭葉堪把沂川可浴弟邵南寡訟時輟甘棠之陰冀州為法暫止褰襜之務唐景薦大言之賦安汰述連環之辯盡遊玩之美致足樂乎吾春初卧疾極成委弊雖西山白鹿懼不能愈子預赤丸尚憂未振高卧六安每思扁鵲之問靜然四屋

念絕脩都之香皇上慈被率土甘露聿宣鳴銀鼓于寶
坊轉金輪于香地法雷警夢慧日暉朝道俗輻湊遠近
畢集獨以疾障致隔聞道豈止揚僕有關外之傷周南
起留滯之恨 增梁沈約與徐勉書曰開年以來病增
慮切當由生靈有限勞役過差總此凋竭歸之暮年牽
策行止努力祇事外觀旁覽尚似全人而形骸骨力不
相綜攝常須過自束持方可黽勉解衣一卧支體不復
相關取煖則煩加寒必利百日數旬革帶常應移孔以

手握臂率計月小半分

原序梁陶弘景肘後百一方序曰夫生民之所為大患
莫急乎疾疹疾疹而弗治猶救火不以水也今輦掖左
右師藥易尋郊郭之外已自難值況窮村迴陌遙山絕
浦其間天枉焉可深言方術之書卷帙徒繁拯濟蓋寡
就欲披覽回惑多端抱朴此製實為深益然尚有闕漏
未盡其善輒採集補聞凡一百一首葛氏序云可以施
於貧家野居然亦不止如此今縉紳君子若常處間佚

乃可師藥有方脫從祿外邑將命遠途或祇直禁閨晨
宵閉隔或羈束戎陣城壘嚴阻忽驚急倉卒唯拱手相
看孰若便探之枕笥則可庸豎成醫故備論節度使曉
然無滯

增文呂子達鬱篇曰凡人三百六十節九竅五藏六府
肌膚欲其比也血脉欲其通也筋骨欲其固也心志欲
其和也精氣欲其行也若此則病無所居而惡無由生
矣病之苗惡之生也精氣鬱也

增論孫思邈曰人之四肢五藏一覺一寐吐納往來流
為榮衛章為氣色發為聲音人之常數也陽用其形陰
用其精天之所同也失則烝生熱否生寒結為瘤贅陷
為癰疽奔則喘乏竭則焦槁發乎面動乎形天地亦然
五緯縮贏孛彗飛流其危診也寒暑不時其烝否也石
立土踊是其瘤贅山崩土陷是其癰疽奔風暴雨是其
喘乏川瀆竭涸是其焦槁高醫道以藥石救以砭劑聖
人和以至德輔以人事故體有可愈之疾天有可振之

灾 楊泉物理論曰凡病可治也人不可治也體羸性弱不堪藥石或剛暴狷急喜怒不節或情欲放縱貪淫嗜食此皆良醫不能加功焉夫君子病也猶可為也必使無病也不可為矣蓋調節其飲食量其多少也 又

曰穀氣勝元氣其人肥而不壽元氣勝穀氣其人瘦而壽養性之術常使穀氣少則病不生矣 曹植論疫氣

曰建安二十二年癘氣流行家家有僵尸之痛室室有號泣之哀或闔門而殪或覆族而喪或以為疫者鬼神

所作夫罹此者悉被褐茹藿之子荆室蓬戶之人耳若夫殿處鼎食之家重貂累蓐之門若是者鮮焉此乃陰陽失位寒暑錯時是故生疫而愚民懸符厭之亦可笑也

泣一

原說文曰泣無聲出涕也 詩曰泣涕如雨 又曰佇立以泣 增又曰子高曰泣有二焉大奸之人以泣示信婦人懦夫以泣著愛 原說苑曰聖人之于天下也

譬猶一堂之上令滿堂飲酒有一人向隅而泣則一堂之人皆不樂矣

泣二

原說苑曰禹出見罪人問而泣之左右問其故禹曰堯舜之民皆以堯舜之心為心今吾為君百姓皆以其心為心是以痛之 史記曰箕子過故殷墟咸生禾黍箕子傷之欲哭則不可欲泣為近婦人乃作麥秀之詩以歌咏之殷民皆流涕

詳麥

左傳曰楚令尹子元欲蠱文

夫人為館于其宮側而振萬焉夫人聞之泣曰先君以是舞也習戎備也今令尹不尋諸仇讐而于未亡人之側不亦異乎 又曰叔孫婍聘于宋宋公享昭子明日宴飲酒樂宋公使昭子右坐語相泣樂祁佐退而告人曰今茲君與叔孫其皆死乎吾聞之哀而樂樂而哀皆喪心也何以能久 增又曰宋公子地有白馬四公嬖向魋魋欲之公取而朱其尾鬣以與之地怒使其徒奪之魋懼將走公閉門而泣之目盡腫 原國語曰叔向

見司馬侯之子撫而泣之曰自其父死也吾蔑與比而
事君也昔者其父始之我終之我始之夫子終之禮
記曰高子皋執親之喪泣血三年未嘗見齒君子以為
難又曰弁人有其母死而孺子泣者孔子曰哀則哀
矣而難為繼也尸子曰曾子每讀喪禮泣沾襟又
曰費子陽謂子思曰吾念周室將滅涕泣不可禁也子
思曰然今以一人之身憂世之不治而涕泣不禁是憂
河水濁而以泣清之也增又曰蔡威公閉門而哭三

日泣盡繼以血其鄰窺牆問曰何故悲哭荅曰吾國且
亡吾聞病之將死不可為良醫國之將亡不可為計謀
吾數諫吾君不用是知將亡 原新序曰周舍事趙簡
子居無幾何周舍死後與諸大夫飲酒酣簡子泣曰百
羊之皮不如一狐之腋衆人之唯唯不如周舍之諤諤
自周舍死吾未嘗聞吾罪也吾國幾亡乎是以垂泣
呂氏春秋曰吳起治西門之外王錯譖之魏武侯武侯
使人召之吳起至于岸門止車而望西河泣數行下

說苑曰雍門周以琴見孟嘗君君曰先生鼓琴亦能令人悲乎周曰夫千秋萬歲之後高臺既已壞曲池既以塹墳墓既已下嬰兒豎子樵採者蹣躅其足而歌其上曰夫以孟嘗君貴尊乃若是乎于是孟嘗君潸然涕泣曰今文立若破國亡邑之人

詳琴

論衡曰昔周人有仕

不遇年老白首泣涕于途者或問何為泣乎對曰吾仕數不遇自傷年老失時是以泣又曰蘇秦張儀學縱橫之術于鬼谷先生先生曰能說我泣則能分天皇之

地秦說鬼谷先生先生泣霑襟 史記曰荆軻與高漸

離飲于燕市酒酣漸離共荆軻相和而歌于市中相樂

也已而相泣旁若無人 又曰漢高欲自擊陳豨蒯成

侯周繆泣曰始秦攻破天下未嘗自行今上自行是為

無人可使者乎 漢書曰高祖破黥布軍還過沛置酒

沛宮上慷慨傷懷泣數行下

詳懷舊

史記曰戚姬愛幸

生趙王如意常從之關東日夜啼泣欲立如意為太子

楚漢春秋曰呂后欲為惠帝高墳使從未央宮坐而

見之東陽侯垂泣曰陛下日夜見惠帝冢悲哀流涕無
已是傷生也臣竊哀之太后乃止 史記曰竇皇后兄

長君弟曰廣國年五歲時家貧為人所畧賣之長安聞
竇后新立廣國上書自陳后召見具言其故后持之而
泣侍御左右皆伏地泣 增漢書曰上朝東宮趙談參

乘袁盎伏車前曰聞天子所與共六尺輿皆天下豪英
今漢雖乏人陛下獨奈何與刀鋸之餘共載于是上遣
談下談泣下車 又曰李陵與蘇武別置酒起舞歌曰

萬里兮度沙漠為君將兮奮匈奴路窮絕兮矢刃摧士
衆滅兮名已頽老母已死雖欲報恩將安歸陵泣下數
行與武訣 原東觀漢記曰更始害齊武王光武飲食
語笑如平常獨居輒不御酒肉枕席有涕泣處 又曰
來歙蓋延攻公孫述蜀人大懼使刺客刺歙歙未死馳
召蓋延延見歙悲哀不能仰視歙叱曰欲屬以軍事而
反效兒女子涕泣乎 增又曰章帝東巡狩祀泰山還
幸東平王宮涕泣霑襟 漢書陳留老父傳曰桓帝世

黨錮事起守外黃令張升去官歸鄉里道逢友人共班
草而言升曰宦豎日亂陷害忠良賢人君子其去朝乎
夫德之不建人之無援將性命之不免奈何因相抱而
泣老父趨而過之植其杖太息言曰吁二丈夫何泣之
悲也夫龍不隱鱗鳳不藏羽網羅高懸去將安所雖泣
何及乎二人欲與之語不顧而去 原汝南先賢傳曰
蔡順母畏雷後母卒每有雷震順輒園冢泣曰順在此
邴原傳曰原年五六歲過書舍而泣師曰何泣原曰

孤者易感傷夫學者皆有父母也心願其得學故惻然
涕零也師哀原而為之泣曰欲之可學不須費也 吳
錄曰孟宗為驃騎朱據軍吏將母在營既不得志又夜
雨屋漏因起涕泣以謝母母曰但當勉之何足泣也

晉陽秋曰司馬文王對劉後主曰頗思蜀否後主曰此間樂
不思蜀也郤正見後主曰若王後問宜泣以對會王復問
後主曰先人墳墓遠在隴蜀乃心西悲無日不思因閉眼
王曰何乃似郤正語邪後主驚視曰誠如尊命 增晉書

羊祜卒南州人罷市哭聲相接吳守邊將士亦為之泣
原襄陽耆舊傳曰羊公與鄒潤甫登峴山垂泣曰自

有宇宙便有此山由來賢達登此遠望者多矣皆湮滅
無聞不可得知念此令人悲傷 增隋書曰李穆從太

祖擊齊師于邛山太祖臨陣墮馬穆突圍而進以馬策
擊太祖而詈之授以從騎潰圍俱出賊見其輕侮謂太
祖非貴人遂緩之以故免既而與穆相對泣顧謂左右
曰成我事者其此人乎 又曰李崇初以父賢勲封廻

樂縣侯時年尚小拜爵之日親族相賀崇獨泣賢怪而問之對曰無勲于國而幼少封侯當報主恩不得終于孝養是以悲耳賢由此大奇之通鑑宋紀曰仁宗暴疾文彥博因請帝建儲帝許之會疾瘳而止范鎮奮然曰天下事尚有大于此者乎即上疏凡見帝面陳者三因泣下帝亦泣謂曰朕知卿忠卿言是也又曰元祐四年呂公著卒太皇太后見輔臣泣曰邦國不幸司馬相公既亡呂司空復逝痛憫久之又曰太皇太后寢

疾召范純仁曰卿父仲淹可謂忠臣卿當似之純仁泣
曰敢不盡忠 又曰紹聖中以呂惠卿知大名府監察
御史常安民言惠卿賦性深險今將過闕必言先帝而
泣以感動陛下希望留京帝納之及惠卿至京請對見
帝果言先帝事而泣帝正色不荅計卒不施而去 又
曰蔡京自書奸黨碑頒于郡縣令其皆刻石長安石工
安民辭曰民愚人固不知立碑之意但如司馬相公者
海內稱其正直今謂之奸邪民不忍刻也府官怒欲加

之罪民泣曰被役不敢辭乞免鐫安民二字于石末恐得罪後世聞者愧之 又曰高宗詔韓世忠屯揚州詔詞懇切世忠感泣曰主憂如此臣子何以生為遂濟師進屯揚州 元列傳曰陳韶孫父瀏以罪流肇州韶孫年十歲不忍父遠謫朝夕號泣願從父不能奪遂與俱往大德六年瀏死韶孫哀痛見者皆為之泣下 又曰劉琦生二歲母劉氏陷于兵稍長思其母不置常歎曰人皆有母我獨無輒歔歔泣下 又曰徹辰特古斯氏

幼喪父事母篤孝母沒慟哭頻絕每節序祭祀哭泣常
如初喪每見人父母則嗚咽流涕人問其故曰人皆有
父母我獨無是以泣耳

泣三

原成珠

垂玉

鮫人泣而成珠 甄后
面白淚雙垂如玉筋

斑竹

沾袍

湘妃涕泣以淚揮竹竹盡斑
尼感獲麟反袂拭面泣下沾袍

沱若

啜其

涕 易出

若 詩 嘔

潛焉

泣然

又眷言顧之潛焉出涕 禮
記孔子既得合葬于防雨甚

門人後至孔子問焉曰防墓崩孔
子泣然流涕曰吾聞之古不修墓

潺湲

嗚咽

楚辭
橫流

涕之潺湲 史袁安忠直每念王室嗚咽流涕

新亭淚

咸陽歌

世說過江諸人每出

新亭藉草飲宴周侯歎曰風景不殊舉目有山河之異皆相視流淚惟丞相愀然作色曰何至作楚囚對泣耶

又云後魏咸陽王窮極驕奢姬妾數十猶遠有簡聘以恣其情後以叛誅宮人為之歌曰可憐咸陽王奈何作事悞金床玉几不能眠夜踏霜與露洛水湛湛彌岸長行人那得渡其歌流傳江表北人在南者雖至富貴弦歌奏之莫不灑泣

悲來填膺

淚下承睫

情因外作

悲

自中來

並白帖

泣四

原泣涕

詩泣涕漣漣

涕泗

又涕泗滂沱

既隕

又涕既隕之

涕洟

禮垂涕淚

泣血

詩鼠思泣血

無洵

國語文伯之母戒諸婦無洵淚

泣岐

莊楊

朱泣岐路以其可

泣玉

韓子卞和既別抱玉而泣

別蜀

蜀宗預聘吳孫

東可西可南可北

權泣別贈珠曰孤

老矣恐不復相見

泣五

增賦梁江淹泣賦曰秋日之光流子以傷露離披而殺

草風清冷而繞堂慮尺折而寸斷魂一逝而九傷歎潺

湲兮沫袖泣嗚咽兮染裳若夫齊景牛山荆公燕市孟

嘗聞琴馬遷廢史少卿悼躬夷甫傷子皆泣緒如絲詎

能仰視

哭一

增禮記曰朋友之墓有宿草而不哭焉 淮南子曰喜
怒哀樂有感而自然者也故哭之發于口涕之出于鼻
此皆憤于中而形于外者也譬猶水之下流煙之上尋
也夫有孰推之者

哭二

增說苑曰晉文公入國至于河令棄籩豆茵席顏色犁

黑手足胼胝者在後舅犯聞之中夜而哭文公曰吾亡也十有九年矣今將返國夫子不喜而哭何也對曰籩豆茵席所資者也而棄之顏色犁黑手足胼胝所以執勞苦者也而皆後之不勝其哀是以哭也 左傳曰衛

叔武將沐聞君至喜捉髮走出前駢射而殺之公知其無罪也枕其股而哭之 又曰秦繆公召孟明西乞白乙使出師于東門之外蹇叔哭之曰孟子我見師之出而不見其入也 又曰子產歸未至聞子皮卒哭且曰

吾已無為為善矣唯夫子知我 韓子曰子產晨出聞

婦人哭撫其御之手而聽之有間使執而問焉則手殺
其夫者異日御問夫子何以知之曰凡人之于其所親
愛也始疾而憂臨死而懼已死而哀今夫已死不哀而
懼是以知其奸也 史記曰子產卒鄭人皆哭泣悲之
如亡親戚又曰孔子聞子產死為泣曰古之遺愛也

禮記曰伯高死于衛赴于孔子孔子曰吾惡乎哭諸兄
弟吾哭諸廟父之友吾哭諸廟門之外師吾哭諸寢朋

友吾哭諸寢門之外所知吾哭諸野于野則已疏于寢則已重夫由賜也見我吾哭諸賜氏遂命子貢為之主曰為爾哭也來者拜之知伯高而來者勿拜也 又曰子夏喪其子而喪其明曾子弔之曰吾聞之也朋友喪明則哭之曾子哭子夏亦哭 檀弓曰陽門之介夫死司城子罕入而哭之哀 又曰陳莊子死赴于魯魯人欲勿哭繆公召縣子而問焉縣子曰古之大夫束修之問不出境雖欲哭之安得而哭之今之大夫交政于中

國雖欲勿哭焉得而弗哭 說苑曰孔子晨立堂前聞

哭者聲音甚悲孔子援琴鼓之其音同也孔子出顏回
曰今者有哭其音甚悲非獨哭死哭生離也孔子使人
問之曰今者父死家貧賣子以葬 晏子春秋曰景公

遊臨淄聞晏子卒公乘而驅之趨行哭至伏尸號曰今
天降禍齊國不加寡人加于夫子社稷危矣百姓誰告
列子曰季梁之死楊朱望其門而不哭隨梧之死楊
朱撫其尸而哭 賈誼新書曰鄒穆公死鄒之百姓若

失慈父行哭三月四境之鄰于鄒者士民嚮方而道哭
列女傳曰齊人杞梁襲莒戰而死其妻乃就夫尸于
城下哭之七日而城崩妻遂投淄水而死 史記曰高
祖夜經澤中前有大蛇當道拔劍斬蛇後人來蛇所有
老嫗夜哭人問何哭嫗曰人殺吾子吾子白帝子也今
赤帝子斬之故哭 漢書曰何並為潁川太守代陵陽
嚴詡官屬祖道詡據地哭曰吾哀潁川士民我以柔弱
徵必選剛猛代代到將有僵仆者故相弔耳並至果大

殺戮 又曰王莽末兵起莽憂不知所出崔發言周禮

國有大災則哭以厭之莽乃率羣臣南郊陳符命本末
仰天撫心大哭諸生小民旦夕會哭為設殮粥甚悲哀

華嶠後漢書曰趙壹造河南尹羊陟不得見乃自強
通陟卧未起壹徑入上堂臨之曰竊伏西州抱高風舊
矣乃今方遇而便忽然奈何命也因舉聲哭堂下大驚
陟延與語大奇之 吳志曰孫策薨以事授權權哭未
及息策長史張昭謂權曰孝廉此寧哭時邪乃改易權

服扶令上馬 魏志曰蘇則及臨淄侯植聞魏氏代漢

皆發憤悲哭

詳鬚

晉書曰阮籍居喪骨立幾致滅性裴

楷往弔之籍散髮箕踞醉而直視楷弔哭畢便去或問
楷凡弔者主哭客乃為禮籍既不哭君何哭楷曰阮方
外之士故不崇禮典我俗中之士故以軌儀自居 又

曰王敦起郭璞為記室參軍是時潁川陳述為大將軍
掾有美名為郭所重未幾而沒璞哭之哀甚呼曰嗣祖
嗣祖焉知非福未幾而郭難作 又曰衛玠卒謝鯤哭

之慟曰棟梁折不覺哀也 又曰顧愷之桓溫引為大

司馬參軍甚見親昵溫薨後愷之拜溫墓賦詩云山崩
溟海竭魚鳥將何依或問之曰卿重桓公乃爾哭狀其
可見乎荅曰聲如震雷破山淚如傾河注海 晉安帝
紀曰吳隱之少有孝行遭母憂哀毀過禮與太常韓康
伯鄰居隱之每哭康伯母輒輟事流涕悲不自勝 晉
中興書曰征北大將軍褚裒遣督護王堪迎流民軍次
岱陂為石遵所破死傷過半裒還京聞哭聲甚衆問何

哭之多左右曰岱陂之役也哀恥恨發疾而薨 晉書

曰魏舒子混清慧有才行先舒卒朝野咸為舒悲每哀
慟退而歎曰吾不及莊生遠矣豈以無益自損乎遂不
復哭 語林曰王武子葬孫子荆哭之甚悲賓客莫不
垂涕哭畢向靈座曰卿常好驢鳴今為君作驢鳴既作
聲似真賓客大笑孫聞笑顧謂曰諸君不死令王武子
死乎 車穎奏書曰苻登率萬人直到姚萇營下同聲
向哭哀號動地萇心惡之與其衆議亦哭相應 陳書

曰張昭有至性及父卒每一感慟必致嘔血鄰里聞其哭聲皆為之涕泣 隋書曰陳主卒周羅暉請一臨哭帝許之線經送至墓所葬還釋服而後入朝帝甚嘉尚世論稱其有禮 唐書曰鄭人唐衢嘗客遊太原遇屬軍宴衢得預會酒酣言事抗音而哭一席不樂為之罷會故世稱唐衢善哭 通鑑宋紀曰范仲淹選監司取班簿視不才者一筆勾之富弼曰一筆勾一家哭矣仲淹曰一家哭何如一路哭邪遂悉罷之 又曰山陰知

縣陳舜卒于謫所蘇軾哭之以文稱其學術才能兼百
人之器一斥不復士大夫識與不識皆深悲之 又曰

蘇軾常鎖宿禁中召見便殿太后曰先帝每誦卿文章
必歎曰奇才奇才但未及進用卿耳軾不覺哭失聲太

后與帝亦泣左右皆感涕

詳翰林院

又曰司馬光之卒也

百官方有慶禮事畢欲往弔程頤不可曰子于是日哭
則不歌或曰不言歌則不哭蘇軾曰此枉死市叔孫通
制此禮也二人遂成嫌隙 又曰司馬光卒京師人為

之罷市往弔鬻衣以致奠巷哭以過車及如陝葬送者如哭其私親 又曰元邪律楚材每陳國家利病生民休戚辭色懇切太宗嘗曰汝又欲為百姓哭邪 又曰家鉉翁在元聞宋亡旦夕哭泣不食飲者數日 元李

黼傳曰李黼與從子秉昭俱罵賊而死郡民間黼死哭聲震天相率具棺葬于東門外 王薦傳曰薦母病渴

語薦曰得瓜以啖我渴可止時冬月求于鄉不得行至深奧嶺值大雪避樹下思母病仰天而哭忽見巖石間

青蔓離披有瓜焉因摘歸奉母母食之渴頓止

哭三

原二道 三舉

禮記縣子曰哭有二道有愛而哭之有畏而哭之管子曰鮑叔既獲管仲而

哭之三舉哀其將死而得之注舉聲也

秦庭 東市

傳申包胥立于秦庭而哭不絕聲七

日秦伯乃出師救楚晉書鍾會辟向雄會死葬之帝責曰王經死爾哭于東市我不問今復云云對曰法立于上教行于下何

號咷 哀慟

易旅人先笑後號咷注號咷哭也晉王

儻枯骨于中野

珣與謝安有隙聞安薨詣族弟獻之曰吾欲哭謝公獻之驚曰所望于法護遂哭之甚哀慟法護珣小字

窮途 委巷

魏氏春秋阮籍率意獨往不由徑路車迹所窮輒痛哭而反檀弓云小功不為位

而哭者是委巷之禮

何常有次

又云曾申問于曾子曰哭父母有常聲乎曰中路嬰兒失

其母焉何常聲之有

哭

交手

枕股

禮親始死交手哭傳衛

泣者有其次注次位也

殺寘喜尸諸朝石惡將會宋之盟

為位

易幾

子思哭嫂

受命而出衣其尸枕股而哭之

為位

子家子不見叔孫易幾而哭注云幾哭

不盡

會也子家子不欲見叔孫故朝夕哭不同會也

有節

家語衛司徒敬子死夫子弔之主人不哀夫子哭不盡而退

非所

於斯

又曰孔子惡野哭者非其所而哭曰野哭又曰晉獻文子成室張老曰歌于斯哭于斯

增覆醢

酹屍

又曰孔子哭子路于中庭有人弔者而夫子拜之既哭進使者而問故使者曰

醢之矣遂命覆醢唐書李光弼為范陽長史河北節度使拔趙郡自祿山反常山為戰場死人蔽野光弼酹

其屍而哭之

戴盆

扶杖

東觀漢記逢萌素明陰陽知莽將敗攜家屬于遼東乃首戴盆

盜哭于市言曰新乎遂潛藏崔鴻前燕錄高商為范陽太守聞兄開戰沒悲哭嘔血病不能起扶杖乃行

刻木

撫琴

魏志太祖擊黃巾鮑信闕死購求信喪不得乃刻木如信形狀祭而哭焉琴

書顧榮素好琴及卒家人常置琴于虛座吳郡張翰哭之痛既而上牀鼓琴數曲撫琴而歎曰顧彥先復能賞此不因又慟哭

哽咽

闌干

王隱晉書愍懷太子為賈后所害詔立臧為太

孫趙王行太傅趙王與太孫俱之東宮車服侍從皆愍懷之舊也到銅駝街宮人哭侍從者皆哽咽路人泣焉談數王元景使梁劉孝綽送之泣下元

急淚

曼

聲

沈約宋書上令醫術人羊志哭寵姬殷氏志鳴咽他日有問志者鄉那得此副慙淚志時新喪愛姬荅我

爾日哭亡妾耳

列子韓娥東之齊

過逆旅旅人辱之韓娥因曼聲哭

擁鑣

捨佩

韓詩

外傳孔子行聞哭聲甚悲孔子曰驅驅前有賢者至則

舉魚也被褐擁鑣哭于道傍孔子避車而與之言說

苑康子曰子產死鄭人丈夫捨佩婦人

捨珠珥夫婦巷哭之三月不聞琴瑟

原舊館脫驂

窮途反轍

思從中來

禮自外作

哀戚罔極

哭踊有儀

恩既異于親疏

聲亦殊于徃反

並白帖

哭四

增嚮師而哭

左傳秦伯素服郊次嚮師而哭之曰
孤違蹇叔以辱二三子孤之罪也

莅

事而哭

又昭公二十一年七月日蝕大夫叔鞮莅事而
哭昭子曰叔鞮將死矣非哭所也八月叔鞮卒

原哀音

禮記新衰之哭若往而不返齊衰之哭若往而反大功之哭三曲而偯小功緦練哀容可

也此哀之發于聲音者注三曲一聲三曲也偯聲從容也

序哭

周禮注以次序而哭之

行

哭

又曰銜杖者禁行歌哭放國中之道者

哭有悲歌

又曰司巫邦有大災歌哭以諸注哭

有歌聲者冀

出涕

禮弓孔子脫駟以賻舊館人之喪子貢曰無乃已重乎子曰予向者

悲以動鬼神

入而哭之遇于一哀而出涕予

失聲

又文伯卒朋友諸臣未有出涕

惡夫涕之無從也小子行之

者而內人皆

重憂

又孔子過泰山側聞婦人哭于墓者而哀使子路問曰子之哭壺似

行哭失聲

重有憂者而曰然吾舅死于虎

盡哀

盡哀而止

畫哭

禮穆

吾夫又死焉今吾子又死焉

伯之喪敬姜畫哭文伯之喪

哭于頭下

漢書彭越賈樂布為梁大

敬姜畫夜哭孔子曰知禮

夫使齊未反越夷三族布回奏事畢於越頭下哭之吏捕以聞上怒布曰云云恐人人自危乃釋布為都尉

撫尸

後漢京兆人脂習與孔融親善每戒融剛直及融被害許下莫敢收者習獨往撫尸哭曰文舉

捨我死吾何用生為曹操大怒收習將殺之後放出魏文帝以習有樂布義加大中大夫

增哭世

謝承後漢書許慶字子伯家貧為郡督郵嘗與友人談論漢無統嗣幸臣專勢世俗衰薄賢者放退慨然據地

悲哭時稱許

撫膺

沈約宋書劉懷慎字德願為世祖所狎侮上寵姬殷氏葬畢至墓謂

子伯哭世

德願曰卿哭貴姬若悲當加厚賞德願應聲便號

哭

慟撫膺雙踊涕泗交沬上甚悅以為豫州刺史

麻

唐書韋昭度知政事與李蹊並命時宰相崔昭緯端政惡李蹊降制之日令知制誥劉崇哭麻以沮之

哀切

又曰鄭人唐衢應進士久而不第能為歌詩意多感發見人文章有所傷歎者讀訖必哭涕泗

不能已每與人言論既相別發聲一
號音詞哀切聞者莫不悽然泣下



御定淵鑑類函卷二百六十七